



LAPORAN LIPUTAN MEDIA

SELASA / 30 APRIL 2019

- 1. PRESTASI 9 PEMBEKAL BENIH PADI DIPANTAU**
 - **UTUSAN MALAYSIA**
- 2. BENIH PADI 'BEG PUTIH' PENYELAMAT PESAWAH**
 - **UTUSAN MALAYSIA**
- 3. ISU PADI HANTU : NAFAS CADANG SIASAT SEGERA PPK**
 - **UTUSAN MALAYSIA**
- 4. PPK KEDAH BANTAH PINDAAN, TUNTUT HAK**
 - **UTUSAN MALAYSIA**

DISEDIAKAN OLEH :

CAWANGAN KOMUNIKASI KORPORAT

(MADA)

Prestasi 9 pembekal benih padi dipantau

Oleh MOHD. KHAIRUL MOHD. ALI
pengarang@utusan.com.my

■ PONTIAN 29 APRIL

PRESTASI sembilan syarikat dilantik kerajaan untuk membekalkan benih padi sah kepada petani di negara ini akan dikaji sebelum kontrak mereka disambung tahun depan.

Menteri Pertanian dan Industri Asas Tani, Datuk Salahuddin Ayub berkata, pihaknya sudah mengarahkan laporan lengkap dibuat terhadap kesemua sembilan syarikat berkenaan.

Katanya, jika sembilan syarikat itu beroperasi mengikut prosedur ditetapkan, bekalan benih padi sah itu sepatutnya mencukupi.

"Saya sudah arahkan Timbalan Ketua Setiausaha (Pembangunan), Datuk Salim Parlan untuk menubuhkan jawatankuasa bertindak bagi mengkaji pres-

tasi syarikat terlibat, sama ada mereka beroperasi mengikut prosedur ditetapkan.

"Rungutan daripada para petani berhubung perkara ini saya ambil maklum dan kita akan berusaha untuk mengatasinya, (kita) tidak mahu ia berulang," katanya.

Beliau berkata demikian dalam sidang akhbar selepas menghadiri Majlis Pelancaran My Green Team di Sekolah Menengah Kebangsaan Dato' Penggawa Barat, di sini hari ini.

Semalam, laporan eksklusif *Mingguan Malaysia* mendedahkan petani menghadapi kesukaran mendapatkan bekalan benih padi sah sehingga terpaksa menggunakan benih padi tidak sah.

Sehubungan itu, tambah Salahuddin, pihaknya menasihati petani untuk mendapatkan bekalan benih padi sah daripada syarikat yang dilantik.

"Tidak timbul soal bekalan mahal kerana kerajaan beri kontrak kepada syarikat untuk menjualnya.

"Jika ada kes penjualan benih padi tidak sah ini, petani dinasihatkan agar jangan membeli kerana ini yang menyebabkan tanaman mereka tidak elok seperti berpenyakit," ujarnya.

Sementara itu, Salahuddin berkata, kerajaan akan memuktamadkan syarikat yang berminat mengambil alih Pusat Fidlot Nasional (NFC), dalam waktu terdekat dan perbincangan berhubung perkara itu masih berjalan.

Menurut beliau, terdapat beberapa syarikat yang menunjukkan minat namun hanya satu yang serius.

"Kita akan kaji aspek perundangan kepada kementerian, sekiranya syarikat berkenaan boleh memulangkan kembali hutang, mengapa tidak," katanya.

Utusan Malaysia 30 April 2019



SALAHUDDIN AYUB (dua dari kanan) melihat projek tanaman cili fertigasi yang diusahakan oleh pelajar Sekolah Menengah Kebangsaan (SMK) Dato' Penggawa Barat menerusi program My Green Team di sekolah tersebut di Pontian, Johor, semalam. - BERNAMA

KERATAN AKHBAR : UTUSAN MALAYSIA

TARIKH : 30 APRIL 2019

PERKARA : PERTANIAN

UTUSAN MALAYSIA • SELASA 30 APRIL 2019

Benih padi 'beg putih' penyelamat pesawah

KUALA LUMPUR 29 April - Benih padi tidak sah atau lebih dikenali dengan jolokan padi 'beg putih' sebenarnya penyelamat kepada para pesawah daripada terus menjadi mangsa eksploitasi pengilang yang diiktiraf kerajaan.

Bendahari Pertubuhan Persaudaraan Pesawah Malaysia (Pesawah), Mohd. Rafirdaus Abu Bakar berkata, pengilang yang diiktiraf itu telah menyalah guna subsidi kerajaan dengan menjual benih padi yang sah pada harga yang tinggi kepada para pesawah sejak 10 tahun lalu.

"Harga yang ditetapkan kerajaan untuk benih padi yang sah adalah RM28 untuk 20 kilogram (kg), malangnya harga itu dinaikkan RM30.

"Lebih menyedihkan apabila pengilang menetapkan syarat supaya pembelian benih padi hanya boleh dibuat apabila petani membeli racun sekali, dengan jumlah keseluruhan RM82.

"Persoalannya, racun itu tak berkesan pun untuk benih padi jenis CL220 atau Varieti Siraj 297, jadi kenapa perlu paksa petani beli?" katanya ketika dihubungi *Utusan Ma-*

laysia di sini hari ini.

Jelas Mohd. Rafirdaus yang mengusahakan sawah padi milik keluarganya di Jitra, Kedah selama 15 tahun, kualiti benih padi yang sah juga amat mengecewakan apabila hasil pengeluaran terlalu rendah dan banyak padi angin atau rumpai.

"Kalau dulu satu relung, pesawah hanya menggunakan dua beg benih padi, tapi sejak ada peraturan kena guna benih padi sah ini, sebanyak tiga beg benih padi untuk satu relung.

"Jadi, apa yang bagus sangat dengan benih padi sah ini? Harga mahal, hendak beli dikenakan syarat pula dan kualiti padi pula teruk," katanya.

Ditanya mengenai resit pembelian benih padi yang sah, Mohd. Rafirdaus berkata, pengilang bertindak 'bijak' apabila tidak memberikan resit kepada pesawah.

Semalam, Ketua Pengarah Pertanian, Datuk Jamal Harizan Yang Razali menyarankan pesawah mendapatkan bukti pembelian daripada mana-mana pembekal benih padi bagi mengesan ejen yang menawarkan benih tidak berkualiti.

KERATAN AKHBAR : UTUSAN MALAYSIA

TARIKH : 30 APRIL 2019

PERKARA : PERTANIAN

Isu padi hantu: Nafas cadang siasat segera PPK

KUALA LUMPUR 29 April - Kementerian Pertanian dan Industri Asas Tani perlu menyasiat segera pekilang-pekilang swasta atau 'orang tengah' yang membekalkan benih 'padi hantu' kepada para pesawah selain membuat siasatan terhadap Pertubuhan Peladang Kawasan (PPK) negeri-negeri.

Pengerusi Ahli Jemaah Pengarah Pertubuhan Peladang Kebangsaan (Nafas), Datuk Ir. Phahrolrazi Mohd. Zawawi, pihaknya mendapati benih-benih subsidi sering dilaporkan kehabisan stok di PPK dan hal itu sepatutnya tidak berlaku.

Katanya, hal itu amat menghairankan kerana pesawah tidak mempunyai punca lain selain mendapatkan benih padi daripada 'orang tengah' iaitu daripada pekilang-pekilang swasta ini.

"Sistem pengagihan benih padi kepada para petani sekarang ini carca marba. Petani ada masalah untuk mendapatkan benih padi subsidi," katanya kepada *Utusan Malaysia* ketika dihubungi hari ini.

Beliau mengulas laporan khas *Mingguan Malaysia* se-

malam mengenai kemelut isu pembekalan benih padi tidak sah kepada pesawah menjadi lebih kronik apabila didapati wujud 'orang tengah' yang dikesan mengaut keuntungan besar dengan membekalkan benih padi berpenyakit atau lebih dikenali sebagai 'padi hantu'.

Tambah Phahrolrazi, kerajaan juga perlu mengkaji semula prosedur operasi standard (SOP) pemberian benih subsidi kepada para petani.

Katanya, perkara itu wajar dikawal oleh satu agensi khas supaya hanya benih padi yang sah dan terjamin kualitasnya diagihkan kepada para pesawah.

Sementara itu, Koordinator, Badan Bertindak Selamatkan Industri Padi dan Beras Negara (Padi Rescue), Nurfitri Amir Muhammad berkata, SOP penghasilan benih padi dan kawalan eksploitasi harga benih padi perlu dipantau dan diperketatkan.

Katanya, ini bagi mengelak harga benih padi sah yang terlalu tinggi sehingga menyebabkan pesawah memilih untuk membeli benih padi yang lebih murah walaupun tidak sah.

Utusan Malaysia
30 April 2019

KERATAN AKHBAR : UTUSAN MALAYSIA

TARIKH : 30 APRIL 2019

PERKARA : PERTANIAN

44 DALAM NEGERI



ABDUL LATEH MOHD. SAMAN (duduk, dua dari kiri) bersama pengerusi-pengerusi PPK Kedah mengangkat poster membantah pindaan komposisi ahli jemaah pengarah di Alor Setar, semalam. - UTUSAN/FARIZ RUSADIO

PPK Kedah bantah pindaan, tuntutan hak

Oleh SHARILFUDDIN SAARI
pengarang@utusan.com.my

■ ALOR SETAR 29 APRIL

KESEMUA 42 Pertubuhan Peladang Kawasan (PPK) yang menaungi 100,000 petani di negeri ini membantah sekeras-kerasnya pindaan komposisi ahli jemaah pengarah pertubuhan itu yang dianggap satu bentuk campur tangan politik.

Malah berikutan pindaan yang akan berkuat kuasa 1 Mei ini, terdapat ahli-ahli PPK yang mengancam untuk mengeluarkan pelaburan dan menggunakan platform lain untuk me-

wakili mereka.

Menurut Pengerusi Pertubuhan Peladang Negeri (PPN) Kedah, Datuk Abdul Lateh Mohd. Saman, pindaan tersebut bukan sahaja telah mencabul hak ahli-ahli pertubuhan itu tetapi juga 'merampas' kuasa mereka untuk melantik ahli jemaah pengarah di tiga peringkat untuk mewakili suara golongan berkenaan.

Kata beliau, tiga peringkat tersebut adalah Pertubuhan Peladang Kebangsaan (Nafas), PPN dan PPK.

"Lebih malang, menerusi pindaan ini, lebih separuh daripada pelantikan ahli jemaah pengarah Nafas, PPN dan PPK adalah

di bawah kuasa Menteri (Pertanian dan Industri Asas Tani) manakala selebihnya melalui mesyuarat agung (demokrasi).

"Malah pelantikan pengerusi PPN juga mesti dengan persetujuan Menteri. Harus diingat Pertubuhan Peladang bukanlah agensi kerajaan yang ahli jemaah pengarahnya boleh dilantik sesuka hati tanpa persetujuan ahli yang membuat pelaburan saham," katanya dalam sidang akhbar di sebuah hotel di sini, hari ini.

Yang hadir sama bagi memberi sokongan ialah seramai 42 Pengerusi PPK Kedah.